



大
愚
豪



風雨聯吟

遂非艸

惜分集

半隱居橐上下

尋樂處詩上下

五十六翁詩上下

星槎集

溯厥淵源肇自河南之緒攷夫家學宏開樵李之傳勗
青堂咏物之篇燕白草春老圃之傳神入妙羣生軒紀
遊之作鷹窠茶磨枵齋之寫景彌工疑矣惠連罔非俊
秀歸哉康樂尤擅風流學士堂前俯同趨鯉尚書座下
仰見圖麟遶咄咄之郎君聚翩翩之公子樹泮宮而三
枝挺秀攀玉樹而羣蕙爭芬乃能富以多文敏而好學
幃簾寂寂研白晝之書燈火熒熒鑽清宵之卷毋論青
琴絳樹莫與綢繆或當桑落蘭生肯從醕酏常樹南山
之壘時開北海之尊而乃待賦鹿鳴嘉賓徒逸羈題雁
塔彩筆空畱嗟乎天如可問科名之得喪何緣人亦有
言遲速之窮通有命然而性情高寄咏嘆遙深非習俗

所能移彼功名乎何有凡夫良辰美景月夕花朝罔不
研墨裁箋揮毫製錦更當人亡物故時異境遷莫勿和
淚抽詞長號作賦此半隱之居與半畝之園同屬南華
秋水之鄉而讀半隱居之稿與讀半畝園之詩實有異
曲同工之妙也原夫築彼詩城鬱爲文棟楊常侍鏗鏘
幽眇石曼卿縝密方嚴體原四始之遺情寄八荒之表
故爾筆尖花吐舌底瀾翻豈若少年科第鮮伐毛洗髓
之功高會唱酬多乾口焦喉之狀貽羞豕腹取笑蜂腰
也哉僕也弱冠携芹久作池中之物英年竊膳常羈弟
子之員盼濯濯之鰲頭佇峩峩之雲路悲同王勃感運
不齊老近杜陵歌詩未細然猶傾心藝苑抗志騷壇羨

綉虎以彫龍慕鴻翔而駿逸無如閣臨江渚孰作長天
孤鷺之詞影落河梁誰傳明月雙龍之句似此絕無模
擬獨出心苗自在推敲不緣牙慧敢云杜甫之懷李白
陰鏗復生將無蘓軾之贊韓駒光義再見一輪明月偕
爽氣以俱來半篆鑪烟畱新聲而不去

乾隆九年十一月朔有五日雙溪同學弟徐朱靖拜序

大愚橐

二集總目

卷一

風雨聯吟

卷二

遂非草

卷三

惜分集

卷四

半隱居橐上

卷五

半隱居橐下

卷六

尋樂處詩上

卷七

尋樂處詩下

卷八

五十六翁詩上 嗣出

卷九

五十六翁詩下 嗣出

卷十

星槎集

目錄

大愚橐

嘉興 褚鳳翔 愚一

風雨聯吟

昔東坡別子由詩自序云每夏秋之交風雨作木
落草衰輒淒然有感蓋撫時懷舊悲聚首之難也
余自辛卯以來與怡三司鈞讀書香滿樓風雨對
牀晨夕嘯咏洵天倫樂事也丙午冬怡三溘逝乙
卯秋司鈞又下世值朔風寒雨之辰追思往事悲
來填膺寂寞淒涼之況有甚于長公者矣因刪二
十餘年所作稍存什一俾暇時展閱如對我兩弟
云爾雍正乙卯冬至後二日書

牡丹花下作

荒園小徑亦芳菲何藉闌干百寶圍看取年年三月暮
探春誰不羨柴扉

午日分韻得紅字

黃石西邊曲檻東蜀葵花襯石榴紅螳螂蠢動時重易
鷓鴣鳴來雨滿空五色符無邪自辟一尊酒對興偏雄
承歡競寫新詩獻繞膝看評拙與工

午日題詩兩弟先成喜作

天中令節共題詩叔子清新季子奇我愧生叨一日長
罰依金谷醉難辭

對奕聯句

日日亭中笑賭棊愚誰能對局不相欺攻心奪角饒他

變怡自有陳平六出奇愚

雨不絕

黃梅晝夜雨不止平地平添三尺水高田耕尚恐陸沉
低田已在波濤裡嗚呼去年秋歉收今歲官租苦無抵
蒼蒼有意薄於人莫怪人情薄於紙

蚓笛和怡三

樹頭反舌已無聲草底如何有鳳鳴折柳落梅聽未是
臨風亦足寫幽情

新燕和司鈞

連宵連日雨霏霏忽見新雛掠水歸莫謂力微難遠舉

他年還向上林飛

夜坐

積雨初收月滿天
漏傳三鼓未曾眠
嫦娥若不憐劉向
底放清光到檻前

答錢友陶

黃梅猶未斷白雪忽飛來
試咏驚人句何裛作賦才
韻添三徑竹光耀一庭槐
夙鼓湘靈瑟相逢不用猜

輓蔣節母

朱家淑女蔣家婦
一片冰心世罕有
薦報山傾天姥峰
親知誰不傷賢母
聞昔幽閨初嫁時
短衣并白手操持
齊眉舉案羣爭羨
夫壻俄驚賦別離
離家挾策從何去

大庾嶺上梅花樹
不期二豎妬探奇
玉芝摧折神君署
夢斷璇閨血淚枯
幾番欲絕幾番甦
哀聲不敢從泉下
應惜床前兩藐孤
孤寡蕭條何可問
麻衣雙淚長偷拭
賴得靈椿老可依
携兒托庇重承訓
阿鴻健翮已摩天
遠舉高騫在眼前
菽水正思供色笑
驂鸞底事竟淹然
淹然草漫悲長已
貞操不逐東流水
彤管清時重表揚
墓門竚見褒金紫

送錢友陶入都

一肩行李一鞭絲
何似湘靈鼓瑟時
下筆千言曾立就
不煩客舍鬼吟詩

春日偶成

一度花開一度妍
看春何處不相憐
薔薇亦逐東風放
賞鑒無人色便嬌

題汪氏白齋

滿架詩書滿徑花
就中佳致一何賒
尋盟不羨迴車巷
訪舊長停入漢槎
墨潑烟雲追董巨
毫揮羲獻走龍蛇
試從馮馬橋東望
瀟灑如斯有幾家

喜歸

春風初暖日初遲
正值人歸輦下時
聞道上林多少樹
未知誰占最高枝

舟行

姹紫嬌紅夾岸稠
數聲鶯語更添幽
東風欲送春將去

小艇何妨逐處遊

送程紫璠先生之甬東

錢塘東上甬東樓
地控扶桑枕十洲
此去漫言非郭泰
如何得附李膺舟

秋興

秋日耀我庭
秋風拂我面
矯首望秋雲
不覺秋光變
梧桐葉踈踈
一片復一片
天邊白露零
籬下黃花絢
景物遞推移
如蟻從磨轉
人生宇宙間
疇肯甘貧賤
延頸獨踟躕
懷深何以遣
且自向茅簷
重理舊黃卷

對雪

歲盡俄驚柳絮飛
瓊瑤又見滿漁磯
寒凝竹裏禽敲咽

冷入窗中酒力微
雙屐敢騎東郭履
一裘難擬謝莊衣
灞橋亦有騎驢者
應笑區區獨掩扉

對雪和怡三韻

冬殘日日對陰霏
玉樹盈盈景亦稀
爐沸冷泉茶正熟
書傳庾嶺雁同歸
尋梅興遠休呼酒
訪戴船回靜掩扉
惟有惠連詩思捷
錦囊常見滿珠璣

對雪和司鈞韻

琪花滿眼日繽紛
一曲陽春處處聞
莫羨謝家曾咏絮
揮毫今已讓機雲

宜樓翫雪和貞如和尚韻

旃檀林內有高樓
雪裏曾經幾度遊
躡屐恍隨明月上

振衣如共白雲浮
豈無訪舊移輕鷁
一任衝寒逐野鷗
何必灞橋驢子背
憑闌吟眺更綢繆

舟中喜晴

晴光散白雲飛去
全無影水綠草青
天然一好景

早發秦溪和張文翠微韻

曉風聒青蘋水鳥多
驚起揚帆向日飛
擊楫中流水一境
一題詩詩思何時止
前去看梅花花已詩
方已

梅溪看梅同張文翠微作

十畝芳園一徑開
數間平屋勝樓臺
紛紛白雪從頭下
冉冉清香拂面來
曳履恍登和靖宅
揮毫誰是廣平才
停撓幽賞情何限
只怪東風速我回

仲春

桃李報清明韶光逐日更烹茶槐火焰展卷紙窗晴塔
迥金鈴響風微鐵馬輕牀頭新釀熟好待唱酬傾

春暮偕兩弟重寓精嚴蘭若分賦

見說家園靜何如祇樹林堦除隨路折鐘磬隔墻沉日
永書添課天晴鳥弄音竭來纔一月不覺綠成陰

題霜蟻鶴立圖為鄭母六十壽

鶴立霜蟻三十秋璇閨甲子一周撫孤但恐箕裘墜
矢節何知歲月流南嶽洞開初設悅西池水溢又添籌
松貞藥苦多眉壽豈獨今朝未白頭

秋興六首

金風吹起碧天秋萬象蕭森興亦幽曲徑柳疎蟬寂寂
方池荷盡水悠悠涼生窗外雲初黯夕照林中雨漸收
幾度欲將詩寫景阿翁偏占在前頭

銀河耿耿露華新處處清砧入暮頻去歲已辜籬下菊
今宵敢惜甕頭春相如運蹇仍居蜀蔡澤時垂未入秦
回首含飴時又易不堪傷感淚沾巾

刮目看誰識阿蒙縹囊細帙蠹魚同三更柝響千家月
四壁蟲吟一徑風作賦有懷長捉筆從軍無力去關弓
青衫且作萊衣舞此樂由來正未窮

天晴氣肅踏蒼苔幾簇秋花斷續開社早已催沙燕去
風高又送塞鴻來饒他騷客登高屐不出空王說法臺

春草池塘頻入夢，獨憐靈運愧非才。
溫風溽暑雨滂沱，未省西成又若何。
夏杪田園曾被水，秋深螟螣更傷禾。
論心漫道同心少，望歲偏憐歉歲多。
懷抱之無雖肯識，未能百試不差訛。

叢桂香銷氣候偏，丹楓黃菊又爭妍。
晴開雁影橫天上，靜覺鐘聲到檻邊。
問難每驚書未讀，懷人長被夢相牽。
閨中少婦愁多病，藥罐依依閱四年。

秋暮赴酌舟中即景

杜康有約畏愆期，一棹渾如鏡裡移。
澤國未霜楓赤早，水田多雨稻收遲。
撐來畫舫惟簫管，銜去金杯映翠眉。
好景現前須領畧，莫教錯過菊花時。

擬長至日早朝 六韵

宮線初添日，天家納慶時。
銅壺籌未盡，金勒馬爭馳。
炬燭星同燦，旌旗月並移。
鞭鳴儀仗肅，殿迥拜瞻遲。
共進三呼祝，還呈萬壽卮。
委蛇欣退食，誰不沐恩私。

賦得爲有源頭活水來 六韵

浩浩湖中水，茫茫天際流。
西來何日盡，東去幾時休。
自晝連於夜，從春直到秋。
玉壺清有底，金鏡澈無俦。
挹彼波難竭，撓之性益幽。
試看隨地湧，若個識源頭。

尋樂處夜坐聯句

孔顏樂處杳難尋，一愚一盞踈燈映素琴。
殘月又從簾外白，三怡作賦還須白。
新詩多向雪中吟，三怡觀書莫漫同山木。

效上林渴睡漢遙誰可及愚弟兄今夜莫灰心 司鈞

歲暮晚眺

一天臘色半斜暉古樹蕭蕭積雪稀
柳暗衝寒氣發林鴉遙逐暮雲歸
封侯漫擲班生筆念舊空傳范叔衣
村落不殊風景異家家和月掩柴扉

乙未除夕

四序乾坤一擲梭讀書擊劍兩蹉跎
且看歲向三更去却怪春遲十日多
嫉俗有腸嫌激切凌雲無路半消磨
隣家金鼓同雷響叙順良宵有幾何

新正飲綺里居

憶昔長騎竹馬遊縱橫壇坫幾春秋
那堪歲去如流水

不信身猶似野鷗心醉敢辭芳醕密
興豪渾忘雨聲愁藤蘿高卧家風舊
奚啻元龍百尺樓

聽話熱河風景

口外蓬瀛景若何炎天暑氣半消磨
峰回不減羊腸險路坦無憂鳥道多
玉漏風清傳上苑金蓮日落滿平坡
長城迢遞雄關峻地闢天開一熱河

維揚裴千若過訪兼索詩文賦贈

雁聲嘹唳夕陽天濶別驚看二十年
巷陋久無佳客到才疎偏有故人憐
臘殘東塔纔停屐春滿西陵又放船
捉筆愧靡新句贈不須重問祖生鞭

過太平菴同兩弟題壁

西來一水向東流，却被禪關占渡頭。
芳草似烟隨徑曲，楊花如雪拂窗幽。
僧緣好客情無極，鳥爲殘春語不休。
細雨漫驚歸路濕，湖邊處處有扁舟。

送春

雨濕蒼苔靜掩扉，落花飛絮兩依依。
酒添別恨斟常滿，詩帶離情興漸微。
草色豈知征棹杳，鶯聲似送馬蹄歸。
此行莫道無佳景，一路紅櫻綠筍肥。

初夏四首

林亭入夏樹陰稠，草長花飛晝益修。
三徑翠添新籜解，一池綠漲暮烟浮。
簷鳴鐵馬風初起，几靜瑤琴水自流。
九十日春駒過隙，今朝始向醉鄉遊。

牕開槐序一天晴，便覺無窮興趣生。
入座未知誰得句，倚闌空惜獨含情。
烟凝竹裡茶初熟，雨過尊前月又明。
今古窮通端有數，何須握粟問君平。

柔桑葉落箔蠶齊，又見園林布穀啼。
架上書多隨意讀，門前杖自看花携。
如椽亦有王珣筆，貫枕偏無竇執犀。
舞雩可風沂可浴，此心何處不天倪。

繅絲花發映朝陽，氣候溫和引興長。
池靜水清魚唼草，軒開雨細燕歸梁。
登樓欲學劉琨嘯，把盞羞爲阮藉狂。
七尺自憐生有用，路岐何處覓亡羊。

題畫蓮

休說華山玉井蓮，毫端數朶亦天然。
污泥不染真君子

縱有風流莫比妍

次荅定先上人

霜染丹楓曉滿林
芒鞋蘚徑跡何深
向來不解人間世
今去偏餘物外心
烟水百城曾接武
風騷千古又嗣音
柴門寂寞無車蓋
賴得支公數見尋

賦得秋風生桂枝

闐闐風高掃俗氛
小山秋仲桂初薰
開疑仙客來蒼顛
泰似封姨下碧雲
清影正宜凌縹緲
素商何又逐氤氳
冷然本自青蘋末
底屬叢叢月裏分

攜李懷古

茫茫澤國浩難窮
萬頃平疇一水通
市井樓臺人物異

乾坤日月古今同
禦兒城迥荒烟合
洗馬池堙蔓草空
惟有石橋橫繞郭
往來爭說陸宣公

題友人出遊圖

車輪軋軋馬蹄驕
幾個長亭幾板橋
展卷未知何所似
白洋河畔柳蕭蕭

歲暮四首

一冬驚又暮何處不閒閒
雪挾雲先暗風催鳥共還
學書多廢紙看畫勝登山
最惱僮憎客柴扉白晝關
不信歲崢嶸窗開逸興生
霜微冬草碧日暖朔風輕
薄酒難謀醉新詩取次成
翩翩雙瓦雀飲啄愜幽情
侵曉霧濛濛人多似夢中
十年羞畫虎一枝媿雕蟲
窗

豁寒初厲鑪熏凍漸融登樓難寫意極目送歸鴻
仲蔚慚非是蓬蒿徑亦饒一天雲乍散萬瓦雪全消冬
杪追呼急風衰道義遙獨憐松百尺不逐歲寒凋

蠟梅

粉蕊知非是誰將蠟染根試看開小院何似滿前村映
日渾忘冷凌霜更斷魂有懷無自寄折取伴黃昏
根合生金谷花原托蜜脾不求春作伴偏與雪相知庾
嶺何曾種揚州未有詩年年叢竹外獨放兩三枝

紅梅

同是羅浮種如何異淡粧桃夭難比色杏艷亦輸香瘦
不宜春雪踈偏映夕陽倚闌誰笑語惟有笛聲長

園瓜未知何名云是西域種雜之蓬蒿中仲夏
已結實爲賦一絕

不是龍蹄獸掌形纍纍耀日滿秋庭青門五色何須數
別有匏瓜一種星

春日六首

條風初轉日初遲淑氣先從草木知綠柳尚含池畔凍
紅梅已發檻前枝尋芳有興誰聯屐得句無題且下帷
好笑此身空七尺欲將何事報清時

百尺松陰蓋一廬休教錯認子雲居掀泥怒拔林中筍
戲水閒翻藻底魚世事如棋常變幻人情似紙更欹虧
山茶不向窗前放忘却今朝二月初

緊閉柴門未必非春分楊柳自依依豈無仗劍三邊去
亦有携筇五岳歸林靜不聞鶯獨轉窗開惟見燕交飛
幽然此際憑誰問一任浮雲蔽夕暉

何處韶光不可憐桃花如繡草如烟雲開鳶影冲霄漢
葉密鶯聲勝管絃最喜客來醅正熟更忻雨散月重圓
春殘米價如泥賤活計全無甚去年

東風習習雨茫茫謝却闌邊兩海棠一枝未成同北郭
十年高卧異南陽兒初識字旋成誦弟甫裁詩即擅場
愧我蹉跎虛歲月花前不覺暗悲傷

出世無才負太平樓頭兀坐獨含情牡丹開盡春將暮
布穀啼時雨欲晴豪吏頻來因欠稅薄田莫售又深耕

遣懷幸有圖書在未必輸他擁百城

昇平

滿城笙管雜秋千樂事依稀似去年錦幃徧遮楊柳月
銀燈高掛杏花天

初夏

翠竹成叢秀絕塵誰言景物不如春鶯來綠樹啼逾巧
燕覓雕梁語亦新對酒弗辭長得醉見書肯買未為貧
分題檢韻休猜忌同氣連枝有幾人

初夏和司鈞韻

園亭春去午風熏却喜陽春此日聞數齒慚予輸七步
揮毫喜爾掃千軍花看芍藥殘猶艷酒熟醪醲飲自醺

見說漢廷多狗監未知何處獻凌雲

次陳容大香滿樓卽事

前枕通衢後枕鄉樓慙百尺逼蒼蒼樹多黃鳥啼初夏
門乏烏鴉噪夕陽入坐塔陰晴倒檻鈎簾花氣暗侵床
今朝何幸逢騷客引我題詩興未央

夏日勗青堂同陳翔南容大分韻得晴字

夏日林亭景物清飛飛雛燕羽初成珠蘭花逐熏風馥
粉蝶衣乾宿雨晴屐響共知非近識詩題偏喜有新聲
二難自是傳家舊莫笑河南太瘦生

池邊水筆春已盛開夏五復放二花賦誌

池塘入夏晝沉沉驀見辛夷放綠陰脫穎若爲同脫帽

聯芳何似助聯吟時垂那得王珣夢花發空驚李白心
果爾如椽成五色不妨歛鍔托幽林

伏日

身閒且莫苦炎天晝永芸窗更可憐佳客肯來消渴暑
好書何啻似甘泉風移瘦影干竿竹日落散清幾樹蟬
誰謂熏烝無樂事怡怡一室卽神仙

駕湖秋泛同怡三司鈞分韻得遮字

漫說西湖與若耶就中景物入秋賒菱歌欲歇漁歌起
帆影遙連雁影斜風送桂花香滿席月催遊舫暮還家
回看放鶴洲前路却被蒹葭一水遮

題羣仙拱壽圖祝壽

蓬島知何似雲亭別有天數莖花四照一片石千年易
任牀頭注方多肘後傳素交無以壽揮翰染羣仙

次荅盛書城過訪韻

蹙然雙屐杳三徑若為遊忽覩招携至無煩寤寐求劇
談拋塵尾把臂得龍頭交許期千載詩休詠四愁青梅
酸可薦白雪調難儔自此看珠玉如登百尺樓

偶過五山海潮明德兩上人以詩索畫因賦

禪房寂歷絕浮埃屐齒無嫌破碧苔入坐已難分島可
披懷何事屬宗雷十年雪案靡佳思一日空門得異才
點染不過閒遣興烟雲敢說似天台

端陽後一日羣玉軒聯句

三徑看誰問怡天中節又過陳翔笑談忘爾我司此樂

更如何愚

細雨昨宵飲司榴花酒未殘愚不妨同把盞怡半醉倚

闌干翔

梁上燕呢喃愚相逢和樂耽怡新篁看有意翔何必百

花潭司

南湖烟艇 試題

湖青水綠直浮空縹緲瀰漫畫不窮兩岬園林殘照外
百城樓閣亂流中遊籊野渡人爭慣歌歇澄潭網集同
一片湖光渾似鏡翹看何必雨濛濛

附南湖烟艇

褚鳳詔 怡三

汀烟漠漠復霏霏小艇輕移碧浪微殘月下看持釣
去夕陽長逐採菱歸樓開萬井簾初捲野濶孤帆驚
共飛最是氤氳遮不盡數聲欸乃軼漁磯

辛丑元旦

春逢六十世雍熙萸葉初隨淑景遲律中庚寅新氣象
歲周辛丑舊干支祥凝北極稱觴日喜值西陲告捷時
細數羲農軒帝後綿長孰更永于茲

附辛丑元旦

褚鳳詒 怡三

南極星輝北極前禁城春色曉漫天麟經又見書正
月鳳曆重頒啟瑞年梅展千門爭向日柳逢四始欲
含烟夏商周祚何須數惟有神堯可並肩

南湖曲

襟帶三江臂震澤洋洋一頃層層碧地勢遙連三過堂
鐘聲清越裴休宅蒹葭楊柳夾菰蒲只欠丹青細細圖
一棹乘風輕似葉如雲如霧兩模糊雙橋蜿蟺虹橫亘
百雉逶迤絕梯欂雞鳴犬吠幾人家麥隴桑畦連竹徑
花開灼灼月團團一任笙歌載酒看獨有輕烟生水面
隨風和雨日漫漫

題鄭南谿西遊記

鄭性字義門寧波人
遊西岳歸以記貽示

迢迢五嶽絕躋攀西華峻嶒上更艱怪底奚囊連太白
一齊收拾畫圖還

壬寅夏五登會龍山限酬字

浩浩雙溪水憑空夾一樓柳從今歲插堤自去年修烟
火橋頭市帆檣柵口舟登高聊遣興短句若為酬

附登會龍山限酬字

葉元升方平

黃梅天不雨遣悶覓林丘舊友輕舸共新蟬古木稠
山橫吞逆水岬濶接平疇老乏生花筆何妨一唱酬

又

程泰京紫璿

一水中分處重新豁兩眸堤完川復障俗遠寺添幽
細雨多凝樹斜陽半在樓幾回吟愧拙不敢倩人酬

又

褚鳳詔怡三

步屨頻來此簪重盍更幽樹陰連殿碧帆影逐溪流
雨向天邊散人從物外遊登臨忘爾我喜不吝相酬

又

陳士鵬翔南

山近何須問招携一湖遊雙堤新植柳孤渚舊停舟
日出雨還下襟披語更投多君才思捷琢句愧難酬

又

褚鳳威司鈞

不信黃梅雨纔霽乍又收輕萍牽短櫂亂竹抱高樓
坐久銷紅燭閒宜侶白鷗詩成非楚調那怕少賡酬

華嚴五山十詠次雲碩和尚韻

委委宛宛百城東都恐僧繇畫未工聽法只愁難變化
滿身花雨向和風游龍街

七層突兀插青霄極目雲烟萬里遙自分胸襟同海濶
却從何處惹塵囂東塔

憶昔龍飛寶祚崇誰知一夢已成空何如百尺樓依舊
日日鐘鳴落照中 景龍樓

方池水石自粼粼到此看誰洗六塵是白是青難辨別
還須試問箇中人 青白池

花開四照滿庭香灼灼金容現寶光舌似珊瑚脣似雪
一憑清梵自琅琅 普光明殿

靈山在即欲何之傑閣巍巍似舊時見佛若還知是佛
不須跋涉去尋師 毘盧閣

三尺殘碑土幾抔烏飛兔走閱千秋腰間紫綬知何在
碧樹蒼苔一徑幽 朱買臣墓

寶地臨流水盡香南能一派至今長石橋雖是無心物

不指遊人向別方

指南橋

家鄉不遠即橋西識得何須用耳提慙愧生天非謝客
此心渾似絮沾泥 雲水家鄉

登臨何事愜幽思地僻溪環最合宜況復祇園今勝昔
莫教辜負好天時 宜樓

武林客夜

銀燭輝煌笑語長弟兄意氣各飛揚客中不減家中興
只少梅花一樹香

西施石

吳宮越殿草芊芊片石依然卧水邊早識興亡都是夢
不將歌舞教嬋娟

長門

棄置何須妬子夫問渠能固主心無江充一間恩情斷
豈獨長門月影孤

青塚

白草黃沙遠塞門獨留春色慰孤魂九泉莫怨毛延壽
從古和我仗結婚

馬嵬

一自烽烟起范陽王容從此別君王六軍空賀誅褒姒
更有驪姬在朔方

詠懷

我有一卷詩抒寫胸中奇置之敝篋中十載無人知鍾

期久已杳感憤亦何為載書詣北闕笑彼陳拾遺花開
聊縱目酒熟且銜卮青春不歡樂白日倏西馳

莊 祭信乎

甥徐廷瓚愷福校

程 本心培

Table with 12 vertical columns and a header row.

大正



